

VENDIM
Nr. 4, datë 17.1.2014

**MBI MODIFIKIMIN E LICENCËS ME NR. 17, SERIA PV04P TË SHOQËRISË “MARJAKAJ”
SHPK “PËR PRODHIMIN E ENERGJISË ELEKTRIKE” NGA HEC “BENE”, MIRATUAR ME
VENDIMIN E BORDIT TË KOMISIONERËVE TË ERE-s
NR. 43, DATË 14.10.2004**

Në mbështetje të neneve 8 pika 2, germa “a”; 9; 13 pika 1, germa “a”; 19 të ligjit nr. 9072, datë 22.5.2003 “Për sektorin e energjisë elektrike”, të ndryshuar, neneve 4, pika 1, germa “a”; 13; 14, pika 2; 15, pikat 1, 2/b, 3, 4 të rregullores “Për procedurat e licencimit, modifikimit, transferimit të plotë/të pjesshëm dhe rinovimit të licencave”, të miratuar me vendimin e Bordit të Komisionerëve nr. 108, datë 9.9.2008; pikave 2.3 dhe 2.4 të “Licencës së prodhimit të energjisë elektrike”; Bordi i Komisionerëve i Entit Rregullator të Energjisë (ERE), në mbledhjen e tij të datës 17.1.2014, pasi shqyrtoi aplikimin e shoqërisë “Marjakaj” sh.p.k. për modifikimin e licencës “Për prodhimin e energjisë elektrike” nga HEC “Bene” me nr. 17, seria PV04P, të miratuar me vendimin e Bordit të Komisionerëve të ERE-s nr 43, datë 14.10.2004 dhe informacionin e Drejtorisë së Licencimit dhe të Monitorimit të Tregut dhe Drejtorisë Juridike dhe të Mbrojtjes së Konsumatorit,

konstatoi se:

Aplikimi i shoqërisë “Marjakaj” sh.p.k., plotëson kërkesat ligjore, siç kërkohet nga rregullorja “Për procedurat e licencimit, modifikimit, transferimit të plotë/të pjesshëm dhe rinovimit të licencave”, si më poshtë:

- neni 15, pika 4, germa “a”: Informacioni me shkrim, ku janë shpjeguar arsyet e kërkesës për modifikimin e licencës;

- neni 15, pika 4, germa “b”: Vendimi me shkrim i organeve drejtuese të të licencuarit, të cilat shprehin vullnetin për të kërkuar modifikim licence.

Për gjithë sa më sipër, Bordi i Komisionerëve i ERE-s

VENDOSI:

1. Modifikimin e licencës së shoqërisë “Marjakaj” sh.p.k. me nr. 17, seria PV04P “Për prodhimin e energjisë elektrike” nga HEC “Bene” me fuqi 125 KW, miratuar me vendimin e Bordit të Komisionerëve të ERE-s nr. 43, datë 14.10.2004.

2. Fuqia e instaluar e HEC “Bene”, nga 125 KW të bëhet 1000 KW.

3. Ngarkohet Drejtoria e Licencimit dhe e Monitorimit të Tregut të njoftojë aplikuesin për vendimin e Bordit të Komisionerëve të ERE-s.

Ky vendim hyn në fuqi menjëherë.

Ky vendim botohet në Fletoren Zyrtare.

KRYETARI
Petrit Ahmeti